

Vischnaunca da Luven

Lescha da scola

Questa lescha se basa sin art. 73 dalla lescha cantunala da scola e sin la constituziun communal da Luven (art. 52 - 55).

Art. 1

Sereferescha Persunas, uffecis e funcziuns en quella lescha serefereschan sin omisduas schlatteinas.

Reglaments generals

Art. 2

Promover La scola publica sustegn ils geniturs ell'educaziun da lur affons. Plinavon duein quels vegnir educai ad in saun patertgar e demanar e mess sin buna via per igl avegnir. La scola promova capientscha e responsabladad viers sesez e con-carstgaun, cuminonza ed ambient.

Art. 3

Partiziuns La vischnaunca meina las suandontas partiziuns da scola:

- a) Scola primara
- b) Classas pintgas integradas (tenor basegns)
- c) Scola secundara, scola reala e classas pintgas

La vischnaunca meina era ina scoletta

Las partiziuns sut punct c vegnan menadas entras il consorzi da scola Glion e contuorn.

Art. 4

Cuoz

- a) 9 onns da scola ein obligatoris. Il temps da scola per onn munta a 38 jamnas effectivas.
- b) Per il 10avel onn da scola sco era partenent il terminar la scola pli baul ch'usitau vala il reglament cantunal (art. 8.2)
- c) Igl urari da scola vegn repartius sin 5 gis. La sonda ei libra.

Art. 5

Entschatta Igl onn da scola entscheiva mintgamai suenter las vacanzas da stad (ca. miez uost).

**Firaus e
dis libers**

Art. 6

- a) Daniev, ils 2 da schaner, Vendergis sogn, Sonda sontga, gliendisgis Pastgas, Anceinza, gliendisgis Tschuncheismas, vigelgia da Nadal suentermiezdi, Nadal e S.Stiafen
- b) Per prolunghir ed anticipar las vacanzas dat ei negina lubientscha; quei vul gir, ch'ei vegn buca concediu gis libers avon e suenter las vacanzas.

Absenzas

Art. 7

Sco motivs d'absenza valan en special:

1. Accident e malsogna dil scolar, event. dils geniturs
2. Malsognas infectusas da persunas en famiglia e da conhabitonts
3. Mortori d'ina persuna en famiglia ni da tierparents
4. Sto l'instrucziun vegnir tralashada ord auters motivs, ei la damonda da far per regla en scret gia ordavon.

Il motiv d'absenza sto vegnir annunziaus al scolast. Vegn quei tralashau, san ils geniturs vegnir puni tenor art. 77 dalla lescha cantunala da scola.

Survigilonza

Art. 8

Il scolaresser vegn survegilaus dil cussegl da scola, digl inspectur, dalla cumissiun e dil departament d'educaziun sco era dalla Regenza cantunala.

Ils scolars stattan sut survegilonza dil scolast. Tuts discuors denter geniturs, resp. lur substituts, e scolast appartenent il scolaresser ein da far ordeifer il temps da scola.

Damondas che stattan en connex cul menaschi da scola ein caussa dil cussegl da scola.

Ils geniturs ni lur substituts han il dretg da contactar il cussegl da scola per regla a scret, sch'ei dat negina cunvegnientscha cul scolast.

Recuors

Art. 9

Encunter decisiuns e disposiziuns dil cussegl da scola partenent fatgs da scola san ils pertuccai recuorer enteifer 15 gis tier il departament d'educaziun cantunal, en cass che la lescha da scola prescriba buca zatgei auter.

Cussegl da scola

Elecziuns

Art. 10

- a) Il cussegl da scola secumpona da 3 commembers.

La radunonza generala da vischnaunca elegia tenor constituziun com-

munala 2 commembers e 2 substituts. La suprastonza communal deleghescha in suprastont adattau sco cussegl scola.

b). Il cussegl da scola seconstituescha sesez.

Art. 11

Dretgs e du-
ers

Il cussegl da scola procura che las leschas da scola dalla confederaziun, dil cantun sco era dalla vischnaunca vegnien applicadas.

El ha aunc suandontas incumbensas:

1. Encurir, eleger, reeleger (mintga 2 onns) ni relaschar ils scolasts (Quei en cuminonza culla suprastonza communal tenor art. 54.1 const. communal Luven)
2. Fixar ils datums per l'entschatta e la fin dalla scola e per las vacanzas sco era ils gis libers
3. Il cussegl da scola approbescha ils uraris da scola, lubescha gis da sport e cultura sin proposta dil scolasts.
4. El assista e cusseglia ils scolasts appartenent l'organisaziun da gis da viseta sco era autras occasiuns che promovon il contact denter ils geniturs e la scola.
5. El procura per bien manteniment dallas localitads da scola e per mieds d'instrucziun.
6. Nominar il miedi ed il dentist da scola ed organisar il survetsch medicinal e dental
7. Conceder ni negar als scolasts dis da congedi per conferenzas, cuors ed autras activitads durant il temps da scola
8. Tractar grevs cass da disciplina e cass penals conform alla procedura penala cantunala, plinavon dar castitgs per absenzas da scola tenor art. 77 dalla lescha da scola cantunala
9. Lubientschas da congedi per scolars tochen 14 dis ad onn e lubientschas extraordinarias
10. Preparar la lescha da scola per mauns dalla radunonza communal
11. Formular ed introducir in uorden da disciplina.
12. Fixar incumbensas specialas per ils scolasts en connex cun igl uorden dil menaschi da scola
13. Il cussegl tracta discretamein tut ils cass che stattan en connex cun la scola.

14. Il cussegl da scola assista 2 tochen 4 gadas ad onn a l'instrucziun e sediscuora culs scolasts per far in maletg dalla situaziun actuala en scola. El promova e sustegn il scolast en sia lavur.

Art.12

Finanzas

- a) Per la cumpra da mieds d'instrucziun e per material da scola ha il cussegl da scola in credit annual da frs. 1'000.-- (art. 53 const. communal)
- b) Per la cumpra d'ulteriur material da scola presenta il cussegl scola mintgamai il preventiv per il proxim onn da scola alla suprastanza communal. Il preventiv vegn preparaus sin proposta dil scolast.
- La finanziaziun dallas scolas ei caussa dalla vischnaunca.

Art.13

Protocol

Dallas sesidas dil cussegl vegn mintgamai menau in protocol. La proxima sesida vegn el approbaus.

Art. 14

Conclus

Conclus dil cussegl da scola ein valeivels, sche silmeins 2 commembers da quel ein presents.

President dil cussegl da scola

Art. 15

Incumbensas

1. Organisar las sesidas dil cussegl da scola tenor basegns ni sin giavisch dad 1 commember da quel, ni sin giavisch diils scolasts.
2. El prepara il pensum dil cussegl da scola e mira ch'ils conclus vegnien exequi.
3. El representa il cussegl da scola anoviars.
4. El survegilescha:
 - a) la repartiziun dallas classas
 - b) il fixar ils uraris e las lecziuns da scola (termin: 1. d'uost)
 - c) igl entir menaschi da scola
5. El dat lubientscha da congedi als scolars per tochen 3 dis ad onn da scola.
6. El interquera cass disciplinars.
7. El meina tut la corrispondenza dil cussegl scola.
8. El survegilescha il credit per mieds e material da scola, visescha ils quens.
9. Preparar in rapport annual per la statistica
10. Survigilanza schebein las lecziuns vegnan exequidas tenor plan d'instrucziun

Scolasts

Nominaziun, lavor accessoria

Art. 16

Ils scolasts vegnan mintgamai elegi per dus onns. Vegnan els reelegi, sto quei succeder avon la fin da fevrer. Vegnan els buca reelegi, ston ei vegnir informai a scret tochen la fin da fevrer.

Las condiziuns dallas plazzas diils scolasts ein reglamentadas ella lescha cantunala, en quella da vischnaunca sco era egl uorden da scola. Igl emprem onn da scola vala sco onn d'emprova.

Ils scolasts ston ni san mintgamai midar lur scalem d'instrucziun, sch'il cussegl da scola ei en cuvegnientscha cugl inspectur dil meini, che quei surveschi al beinstar dalla scola.

Il cussegl da scola sa schar assister allas sedutas scolasts, quei cun vusch consultativa.

Lavurs accessorias ni uffecis basegnan la lubientscha dil cussegl da scola e san vegnir concedi mo sche l'instrucziun pitescha buca giudlunder.

Cumpetenzas ed obligaziuns

Art. 17

Ils scolasts han d'ademplir las obligaziuns tenor la lescha da scola cantunala e tenor la lescha da scola dalla vischnaunca.

1. Sriver ils attestats. Ei la promoziun periclitada, ston ils geniturs vegnir avisai en scret 3 meins avon la finiziun dalla scola.
2. Fixar ils uraris. Las lecziuns ston mintgamai vegnir repartidas ulivamein sin tut ils gis da scola, e quei en favur diils scolars e dalla scola.
3. Tgiral il contact culs geniturs e cul cussegl da scola
4. Tractar levs cass disciplinars
5. Dar lubientscha da congedi a scolars per 1 gi ad onn, sclaus da quei dretg ein ils dis avon e suenter las vacanzas
6. Ademplir incumbensas specialas surdadas dil cussegl da scola
7. Els han l'obligaziun da procurar, ch'ils reglaments che stattan sut lur survigilanza vegnien exequi.
8. L'instrucziun en la 5avla e 6avla classa sto succeder aschia, che las pretensiuns dalla midada el scalem ault a Glion vegnien risguardadas.
9. Ils scolasts ein mintgamai presents 5 minutas avon e suenter scola sigl areal da scola.

10. Mintgamai ina gada ad onn ei mintga scolast obligaus d'organisar ina sera da geniturs, ni in discuors persunal culs geniturs.

Directivas generalas

- Segiradas** **Art. 18**
Sigeradas dil scolaesser ei caussa da vischnaunca.
Ils affons ein segirai entras la segirada da scola duront scola, il viadi a scola e re-tuorn a casa.
- Transports** **Art. 19**
Organisaziun da transports dil scolaesser ei caussa dil cussegl da scola en cunvegrientscha cun la vischnaunca.
- Definiziun** **Art. 20**
Per tut quei ch'ei buca definiu en questa lescha, vala la lescha da scola cantunala.
- Approba-ziun** **Art. 21**
Questa lescha da scola va en vigur cun l'approbaziun tras la radunonza communal e cun la lubientscha dalla Regenza cantunala.

Concludiu dalla radunonza communal il 09 d'avrel 1999

Per la vischnaunca:

Il president: M. Wetten

Igl actuar: P. Caviezel



Per il cussegl da scola:

G. Wetten

Approbau dalla Regenza Grischuna il 21.9.1999 tenor conclus nr. 1693

En num dalla Regenza

Il president:

K. Huber

Il cancelier:

Dr. C. Riesen

